



YEBOYETHU (RF) LIMITED
(E hlongweng ho ba khampani
Rephaboliking ya Afrika Borwa) Khoutu ya
dishere: YYLBEE ISIN: ZAE000218483
(Nomoro ya ngodiso 2008/014734/06)
(YeboYethu kapa Khampani)

Tsebiso ka kopano e akaretsang ya selemo



Tokomane ena ke ya bohlokwa mme e batla kelo hloko ya hao e potlakileng. Ha o na le pelaelo efe kapa efe ka hore ke mohato ofe oo o ka o nkang, iteanye le broukara ya hao, Central Securities Depository Participant (CSDP), moelets'i wa semolao, banker, moelets'i wa ditjhelete, akhaontente kapa moelets'i e mong wa profeshenale ka potlako.

Mona ho fanwa ka tsebiso ya boleshome le metso e supa ya kopano e akaretsang ya selemo (AGM) ya Khampani e tla tshwarwa ka seko mane Vodacom World, 082 Vodacom Boulevard, Midrand, Johannesburg, South Africa ka Mantaha wa la 4 Phato 2025 ka 10:00 le ka ho nka karolo ka mokgwa wa elektroniki ka polatefomo ya kopano ya mokgwa wa elektroniki (jwalo ka ha ho dumellwa ke Ditlhoko tsa Ngodiso tsa JSE, dipehelo tsa Molao wa Dikhampani wa No 71 wa 2008, jwalo ka ha o fetotswe (Molao wa Dikhampani), le Tokomane ya ho hlongwa ha Khampani (Moi), ho tsamaisa mosebetsi o latelang le ho amohela diqeto tse latelang, mmoho le kapa ntle le diphetolo.

Boto e itse, ka ho ya ka karolo ya 62(3)(a), e balwa le karolo ya 59 ya Molao wa Dikhampani, ya etsa qeto ya hore beng ba dishere ba ngodisitsweng rejistareng ya ditiisetso tsa Khampani ho ya letsatsing la ho vouta la di 25 Phupu 2025 ba na le tokelo ya ho nka karolo le ho vouta Kopanong e Akaretsang ya Selemo. Ka hoo, letsatsi la ho qetela la kgwebo ka dishere tsa Khampani bakeng sa ho ngodiswa rejistareng ya ditiisetso hore o be le tokelo ya ho nka karolo le ho vouta ho Kopanong e Akaretsang ya Selemo e tla ba la 22 Phupu 2025. Tsebiso ya Kopano e Akaretsang ya Selemo e tla romelwa beng ba dishere bohle ba ngodisitsweng ka Labohlano wa la 27 Phupu 2025.

1 Ho amohelwa ha ditatements tsa ditjhelete tse hlahlobilweng tse kopantshitsweng

Ho amohela le ho ela hloko ditatement tsa ditjhelete tse hlahlobilweng hape tse kopantshitsweng bakeng sa selemo se fedileng ka la 31 Tlhakubele 2025.

Qeto e tlwaelehileng ya nomoro ya 1

“HO ENTSWE QETO YA HORE ditatemente tsa ditjhelete tse hlahlobilweng hape tse kopantshitsweng tsa Khampani, mmoho le ditlaleho tsa bahlahlobi ba dibuka, Komiti ya Tlhahlobo ya Dibuka le balaodi bakeng sa selemo se fedileng ka la 31 Tlhakubele 2025, mona di fumanwe mme di amohelwe.”

Dikhopi tsa ditatemente tse felletseng tsa ditjhelete tse hlahlobilweng hape tse kopantshitsweng bakeng sa selemo se fedileng ka la 31 Tlhakubele 2025 di a fumaneha webosaeteng ya Khampani ya www.yeboyethu.co.za

2 Ho kgethwa hape ha balaodi

Ho kgethwa hape ka mokgwa wa diqeto tse arohaneng:

Mofts Hall le Mofts Conrad le Mong Mokgatla ba tlameha ho leboha mosebetsi ka ho tjhentjhana Kopanong ena e Akaretsang ya Selemo ka ho ya ka dipehelo tsa Tokomane ya ho Hlongwa ha Khampani (Moi). Le ha ba behile meja fatshe jwalo, balaodi bana ba ntse ba tshwaneleha ho ka kgethwa hape.

Qeto e tlwaelehileng ya nomoro ya 2

“HO ENTSWE QETO YA HORE Mofts AM Hall mona a kgethwe hape ho ba molaodi wa Khampani.”

Qeto e tlwaelehileng ya nomoro ya 3

“HO ENTSWE QETO YA HORE Mofts ABA Conrad mona a kgethwe hape ho ba molaodi wa Khampani.”

Qeto e tlwaelehileng ya nomoro ya 4

“HO ENTSWE QETO YA HORE Mong TV Mokgatla mona a kgethwe hape ho ba molaodi wa Khampani.”

Ditlhaloso tse akaretsang ka balaodi bana ba kenetseng dikgetho le ho ka kgethwa hape botjha di hlahella maqephepeng a 12 le 13 a tlaleho ya selemo tlasa karolo eo sehlooho sa yona se reng ‘Boto ya balaodi’.



Tsebisō ka kopano e akaretsang ya selemo e tswela pele

3 Ho kgethwa ha Ernst & Young Inc. ho ba bahlahlobi ba dibuka tsa Khampani

Ho kgetha Ernst & Young Inc. jwalo ka ha e thontswe ke Komiti ya Tlhahlobo ya Dibuka ya Khampani, ho ba mohlalobi ya ikemetseng wa dibuka tsa Khampani, mme e kene ofising ho fihlela mafelong a Kopano e latelang e Akaretsang ya Selemo ya Khampani. Ho lemohilwe hore mohlalobi wa dibuka e mong ya ngodisitsweng mme ya tla phetha mosebetsi wa ho hlaloba dibuka selemong sa ditjhelete se felang ka la 31 Tlhakubele 2026 ke Ziningi Khoza.

Qeto e tlwaelehileng ya nomoro ya 5

“HO ENTSWE QETO YA HORE Ernst & Young Inc. mona e kgethwe jwalo ka bahlalobi ba dibuka tsa Khampani mme e kene ofising ho fihlela mafelong a kopano e latelang e akaretsang ya selemo.”

4 Ho kgethwa ha ditho tsa Komiti ya Tlhahlobo ya Dibuka

Ho kgetha, ka mokgwa wa diqeto tse arohaneng, balaodi bao e seng ba phethahatso ba ikemetseng ba latelang, ho ba ditho tsa Komiti ya Tlhahlobo ya Dibuka tsa Khampani:

Qeto e tlwaelehileng ya nomoro ya 6

“HO ENTSWE QETO YA HORE Mofts B Silwanyana mona a kgethwe ho ba setho sa Komiti ya Tlhahlobo ya Dibuka tsa Khampani.”

Qeto e tlwaelehileng ya nomoro ya 7

“HO ENTSWE QETO YA HORE Mofts ABA Conrad mona a kgethwe ho ba setho sa Komiti ya Tlhahlobo a Dibuka tsa Khampani ka mora ho fetiswa ha qeto e tlwaelehileng ya nomoro ya 3.”

Qeto e tlwaelehileng ya nomoro ya 8

“HO ENTSWE QETO YA HORE Mofts F Roji mona a kgethwe ho ba setho sa Komiti ya Tlhahlobo ya Dibuka tsa Khampani.”

Ditlhaloso tse akaretsang ka balaodi bana ba kenetseng ho ka kgethwa ho ba ditho di hlalella maqepheeng a 12 le 13 a tlaleho ya selemo tlasa karolo eo sehlooho sa yona se reng ‘Boto ya balaodi’.

5 Ho kgethwa ha ditho tsa Komiti ya Tshebedisano le Boitshwaro

Ho kgetha, ka mokgwa wa diqeto tse arohaneng, balaodi bao e seng ba phethahatso ba ikemetseng ba latelang, ho ba ditho tsa Komiti ya Tshebedisano le Boitshwaro ya Khampani:

Qeto e tlwaelehileng ya nomoro ya 9

“HO ENTSWE QETO YA HORE Mofts AM Hall mona a kgethwe ho ba setho sa Komiti ya Tshebedisano le Boitshwaro ya Khampani ka mora ho fetiswa ha qeto e tlwaelehileng ya nomoro ya 2.”

Qeto e tlwaelehileng ya nomoro ya 10

“HO ENTSWE QETO YA HORE Mofts ABA Conrad mona a kgethwe ho ba setho sa Komiti ya Tshebedisano le Boitshwaro ya Khampani ka mora ho fetiswa ha qeto e tlwaelehileng ya nomoro ya 3.”

Qeto e tlwaelehileng ya nomoro ya 11

“HO ENTSWE QETO YA HORE Mofts F Roji mona a kgethwe ho ba setho sa Komiti ya Tshebedisano le Boitshwaro ya Khampani.”

Ho kgetha balaodi bao e seng ba phethahatso ba ikemetseng ba latelang ho ba ditho tsa Komiti ya Tshebedisano le Boitshwaro ya Khampani:

Qeto e tlwaelehileng ya nomoro ya 12

“HO ENTSWE QETO YA HORE Mofts TG Walljee mona a kgethwe ho ba setho sa Komiti ya Tshebedisano le Boitshwaro ya Khampani.”

Ditlhaloso tse akaretsang ka balaodi bana ba kenetseng ho ka kgethwa ho ba ditho di hlalella maqepheeng a 12 le 13 a tlaleho ya selemo tlasa karolo eo sehlooho sa yona se reng ‘Boto ya balaodi’.

6 Ho nyollwe ditafello tsa balaodi bao e seng ba phethahatso

Qeto e ikgethang ya nomoro ya 1

“HO ENTSWE QETO YA HORE boemo ba tafello ya balaodi bao e seng ba phethahatso, ho sa kenyelletse lekgetho la VAT, e nyollwe ka 5% ho tloha ka la 1 Loetse 2025 ka ho ya ka mokgwa o latelang:

	Tafello ya ha jwale R	Tafello e sisingwang R
Modulasetulo wa Boto	357 966	375 864
Setho sa Boto	178 984	187 933
Modulasetulo wa Komiti ya Tlhahlobo ya Dibuka	149 153	156 611
Setho sa Komiti ya Tlhahlobo ya Dibuka	74 577	78 306
Modulasetulo wa Komiti ya Tshebedisano le Boitshwaro	44 747	46 984
Setho sa Komiti ya Tshebedisano le Boitshwaro	22 373	23 492



Tsebiso ka kopano e akaretsang ya selemo e tswela pele

7 Tlaleho ya Komiti ya Tshebedisano le Boitshwaro

Tlaleho ya Komiti ya Tshebedisano le Boitshwaro e tla nehwa beng ba dishere. Tlaleho e felletseng e ka fumanwa **leqepheng la 20**  la tlaleho ena ya selemo.

Letsatsi la rekoto

Letsatsi la rekoto la hore beng ba dishere ba ngodiswe dibukeng tsa Khampani bakeng sa merero ya ho tshwaneleha ho ka kenela, ho bua le ho vouta Kopanong e Akaretsang ya Selemo ya boleshome le metso e supa ke Labohlano wa la 25 Phupu 2025. Ka mokgwa o tshwanang, letsatsi la ho qetela la ho hweba hore o tle o be le tokelo ya ho kenela, ho bua le ho vouta Kopanong e Akaretsang ya Selemo ya boleshome le metso e supa ke Labobedi wa la 22 Phupu 2025.

Ka ho ya ka Molao wa Dikhampani, beng ba dishere ba tla kenela Kopano e Akaretsang ya Selemo ba tla tshwanela ho hlalisa boitsebiso bo utlwalahalang bo kgotsofatsang bo jwalo ka tokomane ya boitsebiso e sebetsang/laesense ya ho kganna/phaseporoto/Trust Deed/Setifikeiti sa ho Hlongwa ha Khampani.

Ho nka karolo le ho vouta ha beng ba dishere kapa diproksi

1. Beng ba dishere ba tlwaelehileng ba na le tokelo ya ho kenela, ho bua le ho vouta kopanong e akaretsang ya selemo.
2. Beng ba dishere ba hopotswa hore beng ba dishere ba tlwaelehileng ba ka kgetha proksi (motho ya emang lebitsong la e mong) o tla kenela, a bua le ho vouta mabitsong a bona. Proksi ha ho hlokehe hore e be monga dishere tsa Khampani. Ka ho ya ka Tokomane ya ho Hlongwa ha Khampani (Mol), ho vouta ho tla ba ka mokgwa wa baloto feela. Beng ba dishere ba tla nka karolo Kopanong e Akaretsang ya Selemo ka mokgwa ona ba ka nna ba kgetha proksi ho vouta mabitsong a bona.
3. Diqeto tse ikgethang tse lokelwang ho amohelwa Kopanong ena e Akaretsang ya Selemo di hloka kananelo ho tswa ho 75% ya dishere tse emetsweng ka seko kapa ka proksi kopanong ena. Diqeto tse tlwaelehileng tse lokelwang ho amohelwa di hloka kananelo ya boholo ba divoutu tse ka hodimo feela ho halofo (ke hore ka hodimo ho 50% ya ditokelo tsa ho vouta tse entsweng).
4. Beng ba dishere tse tshwerweng ka mokgwa wa elektroniki tse sa ngodiswang ka “mabitso a bona” ba batlang ho kenela Kopano e Akaretsang ya Selemo ka seko ba tshwanetse ho kopa CSDP kapa broukara ya bona ho ba neha lengolo le hlokehang la boemedi ka ho ya ka tumellano e tshwanetseng ya tlhokomelo. Beng ba dishere tse tshwerweng ka mokgwa wa elektroniki tse sa ngodiswang ka “mabitso a bona” ba sa batlang ho kenela Kopano e Akaretsang ya Selemo empa ba batla ho emelwa Kopanong e Akaretsang ya Selemo ba tshwanetse ho tsebisa CSDP kapa broukara ya bona ka ditaelo tsa bona tsa ho vouta. Beng ba dishere ba jwalo ba tshwanetse ho iteanya le CSDP kapa broukara ya bona mabapi le nako e behuweng ya ditaelo tsa bona tsa ho vouta.
5. Ho kgothaletswa hore diforomo tsa proksi (tse fumanwang **leqepheng la 63** ) di romelwe ho JSE Investor Services Proprietary Limited (Bangodi ba Ditransfere) pele ho 10:00 ka Labohlano wa la 1 Phato 2025, bakeng sa merero ya tsamaiso.

Ho nka karolo ka mokgwa wa elektroniki

Jwalo ka ha ho boletswa mona ka hodimo, ho nka karolo Kopanong e Akaretsang ya Selemo hape e tla ba ka dikgokahano ka mokgwa wa elektroniki mme beng ba dishere ba batlang ho kenela Kopano e Akaretsang ya Selemo ka mokgwa wa elektroniki ba tshwanela ho latela ditaelo tsa ngodiso, ho kenela le ho nka karolo tse behuweng **leqepheng la 61** . Polatefomo ya elektroniki e fuwang beng ba dishere e tla tshwarwa ka ho ya ka karolo ya 63(2)(a) ya Molao wa Dikhampani le Tokomane ya ho Hlongwa ha Khampani (Mol).

Ka taelo ya Boto ka la

27 Phupjane 2025

Tlaleho ya selemo e fumaneha ho webolinki e latelang:

https://www.yeboyethu.co.za/announcements_reports.php .

Tokomane ena e ya fumaneha ka puo ya Senyesemane, seZulu le Sesotho webosaeteng.

Participate electronically and vote
proxy@tmsmeetings.co.za 

Ha o sa kgone ho kenela kopano empa o ntse o batla ho vouta ka proksi
yeboyethuproxies@jseinvestorservices.co.za 

Botsa potso pele ho nako Kopanong e Akaretsang ya Selemo
yeboyethu@vodacom.co.za 

Dipotso dife kapa dife tse ding hape
yeboyethuproxies@jseinvestorservices.co.za 



Ka moo o ka nkang karolo ka teng kopanong e akaretsang ya selemo

YeboYethu e motlotlo ka ho tswela pele ho sebedisa ditshebeletso tsa The Meeting Specialist (TMS) bakeng sa ho tshwara Kopano e Akaretsang ya Selemo polatefomong e thusang ka ho nka karolo le ho vouta o le hole ke beng ba dishere ka inthanete ekasitana le bao ba tla be ba kenetse kopano ka sebele mme ba vouta ka phaposing. Ho tla etswa ditshupiso bakeng sa ho thusa beng ba dishere ba tla kenela Kopano e Akaretsang ya Selemo ka seko ka moo ba ka sebedisang disebediswa tsena tsa ho vouta.

Mohato wa 1: Ngodiso ya ho kenela Kopano e Akaretsang ya Selemo

Beng ba dishere ba ingodise inthaneteng ho ka kenela kopano

- Ngodisa ho https://www.tmsmeetings.co.za/yeboyethu_agm.html  pele ho 10:00 ka Labohlano wa la 1 Phato 2025, bakeng sa merero ya tsamaiso.
- Romela ditokomane tse tshwanetseng tsa boitsebiso ho [TMS ho proxy@tmsmeetings.co.za](mailto:TMS.proxy@tmsmeetings.co.za)
- Ka mora ho tiisetša ka katleho boemo ba hao ba ho ba moga dishere, o tla fumana emeile e tiisetšang ho tswa ho TMS le dintlha tsa ka moo o ka hokelang polatefomong ya inthanete.
- Ha TMS e sa kgone ho tiisetša boemo ba hao ba ho ba moga dishere, o tla fumana emeile e tswang ho TMS e ho bolellang lebaka la ho hloleha ho tiisetša mme o tla tshwanela ho lokisa hona pele o ka fuwa mokgwa wa phihlrello ya ditsamaiso tsa Kopano e Akaretsang ya Selemo.
- O tla fumana ka thoko linki ya polatefomo ya ho vouta hoseng wa la 4 Phato 2025 – re kopa hore o ele hona hloko.

Beng ba dishere ba ingodisetsang ho kena ka seko sebakeng sa Kopano e Akaretsang ya Selemo

- Beng ba dishere ba batlang ho kenela ka seko le ho vouta kopanong, mme bao ba sa kang ba ingodisa pejana, ba tla kgona ho ingodisa sebakeng sa kopano ho tloha ka 08:00 ho ya ho 09:45.
- Beng ba dishere ba kgothaletswa ho ingodisa pejana ho https://www.tmsmeetings.co.za/yeboyethu_agm.html  ho etsa bonnete ba hore ho ba le ngodiso e tsamayang hantle haholo letsatsing la kopano.

Mohato wa 2: Boitsebiso

Ka ho ya ka karolo ya 63(1) ya Molao wa Dikhampani, bankakarolo bohle ba Kopano e Akaretsang ya Selemo ba tla tshwanela ho fana ka boitsebiso ba bona bo utlwalang hape bo kgotsofatsang ho Balekodi ba Kopano. Mefuta ya boitsebiso e kenyelletsa tokomane ya boitsebiso e sebetsang, laesense ya ho kganna, phaseporoto, Trust Deed kapa Setifikeiti sa ho Hlongwa ha Khampani.

- Bankakarolo ba ingodisetsang ho nka karolo Kopanong e Akaretsang ya Selemo ba sebedisa mokgwa wa boingodiso wa inthanete o boletsweng mona ka hodimo, ka ho romela emeile ya ditokomane tse tshwanetseng ho TMS ka proxy@tmsmeetings.co.za; kapa
- Bankakarolo ba tla kenela Kopano e Akaretsang ya Selemo ka seko mme ba sa ingodisa inthaneteng, ba tshwanetse ho fana ka ditokomane tse tshwanetseng ho Balekodi ba Kopano sebakeng sa Kopano e Akaretsang ya Selemo.

Mohato wa 3: Dipotso

Beng ba dishere ba kgothaletswa ho romela dipotso dife kapa dife tse mabapi le diqeto tse sisintsweng jwalo ka ha di behuwe tsebisong ena ya Kopano e Akaretsang ya Selemo pele ho qala Kopano e Akaretsang ya Selemo ka ho romela emeile ya dipotso tsa bona ho yeboyethu@vodacom.co.za pele ho 09:00 wa la 4 Phato 2025. Dipotso tsena di tla arajwa Kopanong e Akaretsang ya Selemo. Le ha ho le jwalo, ho romelwa ha dipotso pejana, ho ke ke ha hanela moga dishere ho botsa potso Kopanong e Akaretsang ya Selemo ka seko kapa ka mokgwa wa ho hokahana ka elektroniki.

Kopano ya tlhahiso leseding

Beng ba dishere tsa YeboYethu hape ba kotjwa hore ba kenele kopano ya tlhahiso leseding ka tshebetso ya YeboYethu le dintho tse ding tse amanang le Kopano e Akaretsang ya Selemo. Yona e tla tshwarwa pele ho Kopano e Akaretsang ya Selemo ka 09:00 polatefomong yona eo ya inthanete kapa ka seko sebakeng sa kopano.

Re kopa hore o ele hloko:

- Ho sa natswe ho seng ho boletswa, moga dishere ofe kapa ofe ya batlang ho kenela Kopano e Akaretsang ya Selemo o na le tokelo ya ho iteanya le ba TMS ho proxy@tmsmeetings.co.za nakong efe kapa efe pele ho qala Kopano e Akaretsang ya Selemo, bakeng sa ho tiisetšwa le ho dumellwa ho fihlela polatefomo ya inthanete. Bakeng sa ho qoba ditiehisano dife kapa dife tsa ho ka dumellwa ho fihlela polatefomo ya inthanete, beng ba dishere ba kgothaletswa ho iteanya le ba TMS ka potlako ka moo ba ka kgonang hore ba se sitisehe.
- Beng ba dishere ba tla ba boikarabelo ba ditefiso tsa marangrang le datha. Ha e le YeboYethu, JSE Investor Services le/kapa TMS tsona di ke ke tsa behwa molato ha ho ka ba le tahleho ya kgokelo ho marangrang kapa ho hloleha ho sebetsa ha marangrang ka baka la airtime e sa lekanang/kgokelo ya inthanete/ho tima ha motlakase/ho se sebetse hantle ha tjhanele ya ho nka karolo ka mokgwa wa elektroniki ho ka thibelang moga dishere ho nka karolo Kopanong e Akaretsang ya Selemo.
- Tlaleho ya Selemo ya YeboYethu bakeng sa selemo se fedileng ka la 31 Tlhakubele 2025 e leqephe la 61



Ka moo o ka nkang karolo ka teng kopanong e akaretsang ya selemo ho tswela pele

Kakaretso ya ditokelo tse sebetsang mona

Jwalo ka ha ho hlongwe ka karolo ya 58 ya Molao wa Dikhamppani, wa No. 71 wa 2008, jwalo ka ha o fetotswe

Bakeng sa merero ya kakaretso ena, lereo lena “monga dishere” le tla ba le moelelo oo le fuweng ona ka ho ya ka karolo ya 57(1) ya Molao wa Dikhampani.

1. Nakong efe kapa efe, monga dishere khampaning o na le tokelo ya ho kgetha motho ofe kapa ofe, ho kenyelletswa le motho eo e seng monga dishere wa khampani eo, ho ba proksi e tla nka karolo, e buwe le ho vouta kopanong ya beng ba dishere lebitsong la motho eo e leng monga dishere.
2. Ho kgethwa hofe kapa hofe ha proksi ho tlameha ho ngolwa fatshe, ho kengwe mohla mme ho saenwe ke monga dishere ya tshwanetseng.
3. Ntle le ho fihlela boholong boo tokomane ya ho hlongwa ha khampani ho laelang ka tsela e nngwe e fapaneng:
 - 3.1. monga dishere tsa khampani e tshwanelehileng a ka kgetha batho ba babedi kapa ka hodimo ho moo ka nako e le nngwe ba tla ba diproksi, mme a ka kgetha proksi tse fetang e le nngwe ho sebedisa ditokelo tsa ho vouta tse tsamaisanang le ditiisetso tse fapaneng tseo motho eo ya nang le dishere a nang le tsona; mme
 - 3.2. khopi ya tokomane e kgethang proksi e lokelwa ho iswa khampaning e tshwanetseng, kapa ho motho ofe kapa ofe e mong lebitsong la khampani e tshwanetseng, pele ha ho ba proksi e sebedise ditokelo dife kapa dife tsa monga dishere kopanong ya beng ba dishere.
4. Ho sa natswe mofuta wa mokgwa o sebedisitsweng ho kgetha proksi:
 - 4.1. ho kgethwa ha proksi ho ka emiswa nakong efe kapa efe le ho ya ka moo monga dishere ya kgethileng proksi eo a batlang ka teng hore a iketsetse ka boyena ka kotleloho le ka seko a sebedisa ditokelo dife kapa dife jwalo ka monga dishere tsa khampani e tshwanetseng; mme
 - 4.2. ha ho ka etseha hore sebediswa se sebedisitsweng ho kgetha proksi se hanelwe, monga dishere a ka emisa ho kgethwa ha proksi ka ho hlakola hoo ka ho ngola, kapa a etse kgetho e nngwe e fapaneng ya proksi, mme a ise khopi ya ho hlakolwa ha sebediswa seo ho proksi le khampaning e tshwanetseng.
5. Ho hanelwa ho kgethwa ha proksi ho bopa ho hlakola ho felletseng hape hwa makgaolakgang hwa matla a proksi a ho etsa ntho lebitsong la monga dishere ya tshwanetseng ho ya letsatsing:
 - 5.1. le boletsweng sesebedisweng sa kganelo, ha se le teng; kapa
 - 5.2. leo ka lona sesebediswa sa kganelo se iswang ho proksi le khampani e tshwanetseng jwalo ka ha ho laelwa ke karolo ya 58(4)(c)(ii) ya Molao wa Dikhampani.
6. Ha ho ka etseha hore sebediswa se kgethang proksi kapa diproksi se se se isitswe khampaning e tshwanetseng, ha feela ho kgethwa hoo ho ntse ho sebetsa, tsebisoe efe kapa efe e hlokehang ka ho ya ka Molao wa Dikhampani kapa tokomane e tshwanetseng ya ho hlongwa ha khampani e lokelwa ho iswa ke khampani eo ho monga dishere, sona se tla tshwanelwa ho iswa ke khampani eo ho:
 - 6.1 monga dishere, kapa
 - 6.2. proksi kapa diproksi ha monga dishere a ngotse fatshe a laela khampani e tshwanetseng ho etsa jwalo mme a lefile ditefello dife kapa dife tse tshwanetseng tse lefisitsweng ke khampani bakeng sa ho etsa jwalo.
7. Proksi e na le tokelo ya ho sebedisa, kapa ho tlohela ho sebedisa, tokelo efe kapa efe ya ho vouta ya monga dishere ya tshwanelehileng ntle le taelo, ntle le haebe tokomane ya ho hlongwa ha khampani, wa khampani e tshwanetseng kapa sebediswa sa ho kgetha se bolela ka tsela e nngwe e fapaneng.
8. Ha khampani e ka kopa beng ba dishere ho kgetha motho ya mong kapa ba fetang moo ba tla bolelwa ke khampani eo ho ba proksi, ha e fana ka mokgwa wa sebediswa sa ho kgetha proksi:
 - 8.1. khampani ha ya tshwanela ho kopa hore ho kgethwa ha proksi eo ho etswe hore e be ho ke keng ha hanelwa; mme
 - 8.2. ho kgethwa ha proksi eo ho tla dula ho ntse ho sebetsa ho fihlela mafelong a kopano e tshwanetseng eo e kgethwetsweng ho ya emela ho yona, ntle le ha ho ka hanelwa jwalo ka ha ho boletswa karolong ya 58(5) ya Molao wa Dikhampani.